

**Të gjitha gjërat  
u bënë të reja**



WGS Ministries  
PO Box 90047  
San Antonio, TX 78209  
[www.WGSministries.org](http://www.WGSministries.org)

I gjithë shkrimi i cituar është mbështetur tek versioni “New American Standard Bible”.

New American Standard Bible (NASB) E drejta e autorit © 1960, 1962, 1963, 1968, 1971, 1972, 1973, 1975, 1977, 1995 nga “ The Lockman Foundation”

Copyright © 2015 Jonathan Williams

Të gjitha të drejtat e rezervuara

ISBN-10:1515287688

ISBN-13: 978-1515287681

# Pse?

Përse ka kaq shumë pikëllim dhe kaq shumë trishtim në botë?

Abuzim, trafikim të qenieve njerëzore, luftëra, skllavëri, uri të shkaktuar nga duart e njeriut në vendet ku nuk ka ligj dhe ku çdo njeri është në rrezik nga të dhunshmit që iu intereson vetëm pushteti i tyre. Të gjitha këto e turbullojnë botën tonë.



Probleme shëndetësore, varësi, familje të shkatërruara, dhunë pa arsye, tërmete, cunami, fatkeqësi natyrore, dhimbje, lot dhe katastrofa përfundimtare – vdekja. Të gjithë janë të prekur. Askush nuk i shpëton dot hidhërimit që ato shkaktojnë.

## Mendoni rreth këtyre gjërave

- Përse mendoni se ka pikëllim dhe trishtim në botë?
- Çfarë problemesh ekzistojnë në komunitetin ose në familjen tuaj?
- A po përjetoni pikëllim, trishtim ose trazira në jetën tuaj?

# Nuk ka qenë gjithmonë kështu

Bibla, fjala e shenjtë e Perëndisë për njerëzimin, na tregon nuk ka qenë gjithnjë kështu.



Në fillim Krijuesi bëri qiejt dhe tokën.

Gjithçka që ai krijoi ishte e mirë dhe e

bukur.

Në majë të krijimit të tij qëndronte burri i parë dhe gruaja e parë.

## Lexoni historinë e krijimit tek Zanafilla 1 & 2 dhe mendoni rreth këtyre gjërave

- Çfarë mësoni për Perëndinë në këtë histori?
- Përse e krijoi Perëndia racën njerëzore?
- Përse mendoni se ju krijoi Perëndia juve?

# Katastrofa e madhe

Libri i shenjtë i Perëndisë, Bibla, na tregon se burri dhe gruaja e parë nuk donin të ishin më bijtë e Tij. Ata nuk ishin më të kënaqur ta lejonin Perëndinë të ishte Perëndi, ta adhuronin dhe t'i shërbenin atij. Ata e donin të gjithë pushtetin për vete.

Ata donin ta sundonin botën pa të. Në një akt të pashembullt rebelimi, ata u vetëshpallën të pavarur nga Krijuesi i universit.



## Lexoni rreth Katastrofës së Madhe tek Zanafilla 3 dhe mendoni rreth këtyre gjërave

- Cili ishte gjarpri në histori?
- Përse mendoni se burri dhe gruaja nuk ju bindën Perëndisë?
- Çfarë ndodhi kur burri dhe gruaja nuk u bindën?

# Katër drejtimet e vdekjes

Bibla na tregon që mëkati i njeriut solli trishtim, hidhërim dhe vdekje në botë – katastrofën e madhe. Vdekja erdhi në katër drejtime.

## VDEKJA ISHTE MBI NJERIUN

Duke qenë se kishte rebeluar kundër Krijuesit të tij, njeriu nuk besonte më tek ai, as nuk e njihte më atë dhe filloi të krijonte perëndi të reja sipas imagjnatës së tij – perëndi prej druri dhe guri, perëndi që nuk mund të flisnin, të dëgjonin apo të shikonin, perëndi që ishin tekanjозë dhe mizorë.



## VDEKJA ISHTE JASHTË NJERIUT



Njeriu filloi të keqtrajtojë njeriun, ta përjashtojë, ta skllavërojë dhe ta vrasë. Kombet filluan të luftojnë me njëri-tjetrin. Drejtësia u hodh përtokë. Njerëzit filluan

të vajtojnë për dhimbjen dhe të pyesnin veten: “a ka shpresë, vallë?”

## VDEKJA ISHTE POSHTË NJERIUT

Toka nuk ishte më një kopsht i begatë. Toka nën këmbët e tyre ishte e mallkuar. Prej saj nisën të rriten ferrat dhe barërat e këqija. Toka e kishte humbur ekuilibrin. Thatësirë, zi buke, përmbytje, murtajë, tërmete.

Toka u drodh si një grua nga dhimbjet e lindjes.

## VDEKJA ISHTE BRENDA NJERIUT

Turp, faj, vetmi, ankth, mungesë shprese dhe frikë.

Asgjë nuk mund ta ndryshonte dot mënyrën se si bota funksiononte tani.



### Mendoni rreth këtyre gjërave

- Si është ndërprerë marrëdhënia me Perëndinë në kombin, familjen dhe jetën tuaj?
- Si është prishur një marrëdhënie e juaja me të tjerët?
- Çfarë problemesh ekzistojnë në vendin ku jetoni që e bëjnë jetën të vështirë?
- Cilat prej këtyre gjërave keni në jetën tuaj? □

Turp

Frikë

Faj

Pafuqi

Vetmi

Ankth

# Plani i Krijuesit për të shpëtuar dhe restauruar botën

Megjithëse bota i ktheu shpinën Perëndisë, Perëndia vazhdoi ta donte botën.

Ai i donte krijesat e tij dhe kërkoi një njeri përmes të cilit të mund të punonte për ta kthyer tokën dhe mbarë njerëzimin në planin fillestar të dashurisë dhe bukurisë.



Dhe një ditë, Perëndia e gjeti atë njeri. Emri i tij ishte Abraham.

Abrahami e donte të vërtetën dhe zemra e tij u trondit. Një ditë Perëndia i foli atij.



“Abraham,  
Abraham! E kam  
parë sa ke  
kërkuar. Ta kam  
këqyrur zemrën.  
Dhe tani po vij  
tek ti. Unë jam  
Perëndia i

vërtetë i gjithë krijimit. Unë do të të bekoj, do të bëj



nga ti një komb të madh dhe përmes teje do të bekoj të gjitha familjet e tokës.”

Kjo ishte e jashtëzakonshme. Ishte dinamike. Ishte ndryshe.

Asnjë Perëndi tjetër nuk kishte thënë diçka të tillë. Kjo nuk kishte ndodhur sepse perënditë e rreme të botës nuk ishin të vërtetë.

Por Perëndia i vërtetë, Krijuesi, Perëndia i dashurisë donte ta restauronte njerëzimin për Vetën dhe foli fjalë premtimi dhe shprese.

### **Lexoni çfarë i tha Perëndia Abrahamit tek Zanafilla 12:1-3 dhe mendoni rreth këtyre gjërave**

- Çfarë i tha Perëndia Abrahamit?
- Cila është pjesa më e rëndësishme e asaj që Perëndia i tha Abrahamit tek vargu 3?
- Përse mendoni se Perëndia i bëri këto premtime?

## Premtimet për Shpëtimtarin e botës

Me kalimin e shekujve familja e Abrahamit u rrit dhe formoi një komb të madh. Një ditë Perëndia i vërtetë i foli udhëheqësve të këtij kombi dhe u tha: “Unë do t’i përmbush premtimet që i kam bërë dhe do të sjellë në botë dikë atë i cili do t’i japë fund gjithë pikëllimit dhe trishtimit.”



Përmes profetëve të familjes së Abrahamit Perëndia përshkroi se si do të vinte ky shpëtim. Ai do të vinte përmes një foshnje të veçantë:

*Na ka lindur një fëmijë, një djalë na është dhënë.*

*Mbi supet e tij do të mbështetet perandoria*

*Dhe do të quhet Këshilltar i admirueshëm, Perëndi i fuqishëm, Atë i përjetshëm, Princ i paqes.*

*Perandoria dhe paqja e tij nuk do të ketë të sosur.*

*Ai do të mbretërojë me drejtësi deri në mbarim të botës dhe për gjithë përjetësinë.*

*Këtë ka për të bërë zelli i Zotit.*

## Lindja e të Premtuarit

Dhe një ditë kjo foshnje lindi. Ai lindi si asnjë foshnje tjetër. Ai ishte një foshnje mrekulli. Ai lindi nga një e virgjër si shenjë që ishte fëmija mrekulli.

i Perëndisë që do të çlironte botën nga dhembjet e vuajtjet dhe do të shpëtonte të gjithë ata që do ta dëgjonin dhe do të ktheheshin nga mëkatet e tyre.



Engjëjt u shfaqën në lindjen e tij. Njerëzit erdhën nga vende të largëta për ta adhuruar. Profeci u shpallën nga të urtët mbi këtë fëmijë për gjërat e mëdha që ai do të bënte. Ai ishte Shpëtimtari i botës dhe emri i tij ishte Jezus.

### Lexoni për lindjen e Jezusit tek Luka 2:1-20 dhe mendoni rreth këtyre gjërave

- Përse mendoni se Jezusi lindi nga një e virgjër?
- Çfarë thanë engjëjt për këtë foshnjë?
- Cili ishte ky fëmijë dhe për erdhi në botë?

## Jeta e të Premtuarit

Kur Jezusi ishte 30 vjeç, ai e dinte se kishte ardhur koha që të niste misionin e tij për të restauruar botën.



Ai shkoi ngado duke shpallur se koha u mbush, se mbretëria e Perëndisë ishte afër.

Bota kishte parë errësirën dhe vuajtjet e mbretërive të botës.

Tani kishte ardhur koha që mbretëria e Perëndisë të rivendosej në tokë dhe t'i sillte shpëtimin gjithë njerëzimit.

Ai foli me fuqi. Ai foli me autoritet. Ai foli me dhembshuri.

Ai shëroi të sëmurin. I ktheu shikimin të verbërit. E bëri të çalin të ecë. U ktheu në jetë fëmijët prindërve që vajtonin.

Çliroi ata që ishin pushtuar nga frymërat e këqija, dhe mbi të gjitha, ai fali ata që shkuan tek ai të trishtuar për mëkatet e tyre.

Ai u dha atyre shpresë dhe një fillimi të ri.

Gëzimi u derdh me tepri në vend ndërsa drita e Perëndisë largoi errësirën.

Perëndia po i përmbahej me besnikëri premtimeve që i kishte bërë Abrahamit!

## **Lexojini këto histori për jetën e Jezusit dhe mendoni rreth këtyre gjërave**

- Lexoni për fuqinë e Jezusit mbi sëmundjen tek Luka 5:12-16. Çfarë ju mëson kjo histori? Cilin person njih që ka nevojë ta dëgjojë këtë histori?
- Lexoni për fuqinë e Jezusit mbi frymërat e liga tek Luka 4:31-37. Çfarë ju mëson kjo histori? Cilin person njih që ka nevojë ta dëgjojë këtë histori?
- Lexoni për fuqinë e Jezusit mbi vdekjen tek Luka 7:11-17. Çfarë ju mëson kjo histori? Cilin person njih që ka nevojë ta dëgjojë këtë histori?
- Lexoni për fuqinë e Jezusit për të falur tek Luka 5:17-26. Çfarë ju mëson kjo histori? Cilin person njih që ka nevojë ta dëgjojë këtë histori?

# Vdekja e Jezusit

Jo të gjithë ishin të lumtur. Pushteti ishte ende në duart e njerëzve të



korruptuar, ashtu sikundër kishte qenë shpesh që nga fillimi i katastrofës së madhe dhe ata besonin se Jezusi përbënte një kërcënim për autoritetin e tyre.

Ata e ndoqën dhe më në fund e arrestuan; e nxorën para gjyqit, e akuzuan padrejtësisht dhe e kryqëzuan në një kryq.

## Lexoni për vdekjen e Jezusit tek Luka 22:54-23:56 dhe mendoni rreth këtyre gjërave

- Përse u kthyen kundër tij drejtuesit?
- Përse mendoni se Jezusi tha: “O Atë, fali ata sepse nuk dinë ç’bëjnë?”. Si ndiheni kur kuptoni se Jezusi i ka falur ata që e trajtuan atë padrejtësisht?
- Dikush tjetër vdiq me Jezusin atë ditë. Ai i kërkoi Jezusit mëshirë dhe Jezusi i tha se ai do të ishte me të në parajsë. Çfarë na mëson kjo gjë për Jezusin?

## Ringjallja e Jezusit

U duk sikur errësira kishte fituar në fund. U duk sikur errësira e kishte mposhtur dritën që kishte ardhur në botë derisa diçka ndodhi tre ditë më pas.

Gratë shkuan tek varri për të vajosur trupin e pajetë të Jezusit, por kur ato mbërritën, varri ishte bosh. Engjëjt iu shfaqën atyre dhe iu dhanë lajmin e mrekullueshëm.



Jezusi ishte ngritur prej së vdekurish!

Jezusi ishte prapë i gjallë dhe ai jetonte në një trup të ri, të pavdekshëm që nuk do të prishej kurrë! Errësira nuk e kishte mundur dot Jezusin. Përkundrazi, Jezusi e kishte mposhtur errësirën.

Vdekja e tij në kryq nuk ishte humbje. Ajo ishte fitore sepse në kryq ai pagoi çmimin për mëkatet e botës.

Dhe me ringjalljen e tij ai u shndërrua në krijesën e re të.

Perëndisë që do të restauronte të gjitha gjërat ashtu siç ai i kishte premtuar Abrahamit.

## Lexoni për Ringjalljen e Jezusit tek Luka 24:1-43 dhe mendoni rreth këtyre gjërave

- Kujt iu shfaq Jezusi të parit kur i ngrit prej së vdekurish?
- Kur Jezusi po bisedonte me dy burrat që po udhëtonin për në Emaus, çfarë po iu mësonte ai atyre?
- Përse mendoni se Jezusi hëngri ushqim me dishepujt kur ai iu shfaq atyre.
- Jezusi i ringjallur tha: “Paqja me ju!”. Mendoni se Jezusi sjell paqe në jetën tuaj.
- Kush tjetër ka nevojë të dëgjojë për Jezusin e ringjallur dhe paqen e tij?



# Çfarë rëndësie ka vdekja dhe ringjallja e Jezusit për ju, për familjen tuaj dhe për kombin tuaj?

## VDEKJA E JEZUSIT

Fjala e shenjtë e Perëndisë na mëson që vdekja e Jezusit nuk ishte një aksident apo një tragjedi. Ajo na mëson që vdekja e tij ishte plani i Perëndisë për të qenë sakrifica e mëkateve tona me qëllim që ne të merrnim faljen.

Lexoni këto dy vargje nga fjala e Perëndisë.

“Sepse të gjithë mëkatuan dhe u privuan nga lavdia e Perëndisë.”

– Romakëve 3:23

“Sepse paga e mëkatit është vdekja, por dhurata e Perëndisë është jeta e përjetshme në Jezus Krishtin, Zotin tonë.”

– Romakëve 6:23

Fjala e shenjtë e Perëndisë na mëson që të gjithë kemi mëkatuar dhe jemi ndarë nga Perëndia. Ajo na mëson që mëkati anë na ka ndarë nga Perëndia dhe ka sjellë vdekje në botë. Gjithashtu na mëson që Jezusi pagoi pagën e mëkatit dhe nëpërmjet tij mund të marrim falje dhe jetë.

Lexojeni këtë varg që tregon se Jezusi vdiq në vendin tonë.

“Sepse edhe Krishti ka vuajtur një herë për mëkatet, i drejti për të padrejtët, për të na çuar te Perëndia.”

– 1 Peter 3:18

Jezusi vet i barti mëkatet tuaja dhe pagoi çmimin për to – vdekjen. Ai mori mbi vete mëkatet e familjes tuaj, të kombit dhe të botës!



Kjo është një pyetje për të cilën ju mund të mendoni – Si ndiheni kur mendoni që

Jezusi vdiq për mëkatet e botës, familjes tuaj dhe mëkatet tuajat?

### **RINGJALLJA E JEZUSIT**

Kur Jezusi u ngrit prej së vdekurish tre ditë pasi vdiq, kjo tregoi që vdekja e tij në kryq mjaftoi për të paguar për mëkatet tona dhe për të na kthyer sërish tek Perëndia. Mëkati ynë u shlye! Ne mund të marrim faljen dhe të restaurojmë marrëdhënien me Perëndinë!

Kur Jezusi u ngrit prej së vdekurish, tre ditë pasi vdiq, kjo tregoi që ai po tregonte të vërtetën për atë që ishte – i Premtuari, i Cili kishte ardhur në botë për t'u bërë Shpëtimtari i të gjithë njerëzve dhe Perëndia i vërtetë! Ai dëshiron të bëhet Zoti dhe Shpëtimtari juaj!

Libri i shenjtë i Perëndisë jep këtë premtim:

“Sepse po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh! Kushdo që do ta thërrasë emrin e Zotit, do të shpëtohet!”

– Romakëve 10:9, 13

A do të donit ta pranoni Jezusin si Shpëtimtarin dhe Zotin tuaj? Jezusi është i gjallë.

Ai ju do. Ai vdiq për mëkatet tuaja. Ai u ringjall dhe jeton për ta bekuar jetën tuaj. Ai po pret që ta kërkon me fjalë të thjeshta si këto:



**“I dashur Zoti Jezus, faleminderit që erdhe në botë. Të falënderoj që i do njerëzit. Ti shërove të sëmurët. Ti i çlirrove njerëzit nga frymërat e liga. Ti ringjalle të vdekurit. Ti tregove dhembshuri për njerëzit mëkatarë. Por mbi të gjitha, unë kam kuptuar që ti vdiqe për mëkatet e mia. Të lutem, më fal për të gjitha ato që kam bërë. Unë dua që të vish në jetën time dhe të bëhesh Shpëtimtari dhe Zoti im. Dua të të ndjek ty dhe t’iu tregoj të tjerëve për ty ! Amen!”**

## Pasi Jezusi u ringjall

Pasi Jezusi u ringjall, ai i mblodhi ndjekësit e tij së bashku dhe u tregoi atyre shenjat tek duart dhe këmbët që i kishin ngelur nga gozhdimi në kryq.



Ai u shpjegoi atyre se e gjithë padrejtësia që i kishte ndodhur kishte ndryshuar krejtësisht me anë të fuqisë së Perëndisë për t'i sjellë shpëtimin botës.


Kur ai vdiq në kryq, ai pagoi borxhin për mëkatet e botës. Njerëzimi ishte fajtor dhe e priste dënimi për shkak të rebelimit të tij. Ai meritonte gjykimin, por Jezusi e mori mbi vete dënimin për të gjithë. Njerëzimi tashmë mund të kishte falje për mëkatet dhe të kthehej tek krijuesi i tij.

Nuk ishte më e nevojshme të flijoheshin kafshë për mëkatet, sepse sakrifica përfundimtare e vetë Jezusit ishte kryer tashmë. Nuk kishte më arsye për të pasur frikë se çfarë gjendej në anën tjetër të vdekjes, sepse Jezusi e kishte mundur vdekjen duke u ngritur nga varri.

Ai që kishte shëruar të sëmurin dhe kishte falur mëkatarët, tashmë kishte fituar mbi çdo armik dhe ishte ngritur nga varri si Zoti i vërtetë i botës.

Pastaj, ai u tha ndjekësve të tij se ai do t'i dërgonte ata në mision. Misioni i tyre ishte t'i tregonin botës për të dhe të sillnin restaurim të njerëzve, familjeve, komuniteteve dhe kombeve.

Misioni i tyre ishte t'i tregonin botës se përmes tij ata mund të kishin faljen e mëkateve, se në të do të gjenin jetë, se gjithçka që kishte humbur gjatë katastrofës së madhe tani mund të restaurohej.



Errësira midis Perëndisë dhe njeriut mund të largohet ndërkohë që njerëzit pranonin Perëndinë e vërtetë përmes Jezus Krishtit.

Errësira midis njerëzve mund të largohet ndërkohë që ata mësonin t'i shërbenin njëri-tjetrit me dashuri ashtu siç Jezusi i kishte mësuar ndjekësit e tij.


Errësira brenda çdo personi mund të largohet ndërsa fryma e Jezusit vinte t'i pastronte, t'i shëronte dhe t'i përtërinte.

Mallkimi mbi krijimin do të largohet një ditë kur Jezusi të kthehet sërish për të ndërtuar një botë të re të bukur, plot paqe e gëzim.

## Çfarë dëshiron Jezusi për ju tani

Jezusi dëshiron që të rriteni dhe të bëheni një ndjekës i fortë dhe i matur i tij. Kur ju i kërkuat Jezusit të vinte në jetën tuaj, ai erdhi, dhe tani dëshiron t'ju mbushë plotësisht me Frymën e tij dhe ta ndryshojë jetën tuaj çdo ditë. Ja se çfarë mund të bëni për t'u rritur në marrëdhënien tuaj me Jezusin.

### 1. Gjeni një ndjekës tjetër të Jezusit që t'ju pagëzojë.



Pagëzimi me ujë është një simbol që tregon se keni kaluar nga vdekja në jetë dhe që tani jeni një ndjekës i Jezusit. Pagëzimi është një hap besimi me anë të të cilit

tregoni që ai vdiq në kryq për ju dhe që u ringjall për t'ju dhënë jetë.

Jezusi tha: “Shkoni, pra, dhe bëni dishepuj nga të gjithë popujt duke i pagëzuar në emër të Atit e të Birit e të Frymës së Shenjtë.” – Mateu 28:18-20

### 2. Kërkojini Jezusit t'ju mbushë plotësisht me Frymën e tij, t'ju bëjë një krijesë të re, t'ju ndryshojë dhe t'ju bëjë dëshmitar tek të tjerët.

Një nga ndjekësit e tij, Pali, tha: “Mbushuni me Frymën e Perëndisë. Inkurajoni njëri-tjetrin me fjalë mirësie, jini falënderues ndaj Perëndisë dhe të përlulur me të tjerët.”

### 3. Mësoni çdo ditë nga Fjala e Perëndisë.

- Mësoni për jetën e Jezusit tek Mateu, Marku, Luka dhe Gjoni.
- Mësoni për ndjekësit e parë të Jezusit tek Veprat e Apostujve.
- Lexoni nga letrat që drejtuesit e Jezusit iu dërguan ndjekësve të tij për t'i ndihmuar ata të kapërcenin problemet dhe të rriteshin në besim.
- Mësoni se si Jezusi është Zot, se si do të mposhtë çdo problem dhe se si do t'i bëjë të gjitha gjërat e reja tek libri i Zbulesës.



### 4. Lutjuni Zotit çdo ditë për gjithçka!

Perëndia ju do si fëmijën e tij. Ai dëshiron që të çoni tek ai çdo shqetësim, çdo

nevojë dhe çdo dëshirë.

“Mos u shqetësoni për asgjë, por, në çdo gjë, ia parashtroni kërkesat tuaja Perëndisë me anë lutjesh dhe përgjërimesh, me falënderim. Dhe paqja e Perëndisë,

që ia tejkalon çdo zgjuarsie, do të ruajë zemrat dhe mendjet tuaja në Krishtin Jezus.” – Filipianëve 4:6-7

5. **Takohuni rregullisht me ndjekës të Jezusit.** Ne kemi nevojë për besimtarë të tjerë që të na ndihmojnë të rritemi, të lutem për ne, të na mbrojnë, të na drejtojnë dhe të na duan. Ne mund të bëjmë të njëjtën gjë për ta.

“Dhe le të kujdesemi për njëri-tjetrin, për t’u nxitur për dashuri dhe vepra të mira, pa hequr dorë nga të mbledhurit bashkë tonin, sikurse kanë zakon disa, por të nxisim njëri-tjetrin, aq më tepër e shihni ditën që po afrohet.”  
– Hebrejve 10:24-25

6. **Lutuni për të tjerët dhe tregojuni për marrëdhënien tuaj me Jezusin.**

Jezusi tha:


“Profetët në fjalën e shenjtë të Perëndisë thanë se ishte e nevojshme që unë të vija, të vuaja për mëkatet e botës dhe të ngjallesha së vdekuri ditën e tretë. Profetët thanë që ky mesazh i ripërtëritjes së gjërave duhet të predikohet në të gjithë botën në mënyrë që njerëzit të marrin falje dhe jetë të re nëpërmjet meje dhe që ju të jeni dëshmitarët e mi !”  
– nga Luka 24:46-48



## Jezusi, Zoti i vërtetë i botës dhe Zoti juaj!

Pasi Jezusi u ngjit në qiell, ai u dha ndjekësve të tij këtë mision, që t'i tregojnë mbarë botës që ai duhet të vinte dhe që të gjithë të përtërihen dhe të restaurohen tek Krijuesi.

Më pas ai u kthye në vendet qiellore dhe u kurorëzuar si Zoti i qiellit dhe i tokës. Dhe tani si Zoti i vërtetë, ai i fuqizon dhe i udhëheq ndjekësit e tij për të përhapur lajmin e gëzueshëm që ai, Shpëtimtari i njerëzimit, do të restaurojë të gjitha gjërat që humbën gjatë katastrofës së madhe.



Po! Perëndia e mbajti premtimin që i kishte bërë



Abrahamit dhe përmes pasardhësit të tij, Jezusit të Nazaretit ai po bekon mbarë botën ashtu sikurse tha!

Turma të panumërta e kanë përqaftuar këtë mesazh shprese, gëzimi dhe jete dhe ia kanë përçuar edhe të tjerëve.

Kanë kaluar afro 2000 vjet dhe mesazhi i shpëtimit të Perëndisë vazhdon të jehojë në mbarë botën dhe tashmë ai ka mbërritur edhe tek ju.



Ju mund të çliroheni nga frika.



Turpi juaj mund të largohet.

Mëkatet tuaja mund të falen.

Mungesa juaj e shpresës mund të zhduket.

Konfliktet tuaja mund të zgjidhen me anë të emrit të Shpëtimtarit dhe Zotit të qiellit dhe të tokës, Jezusit të Nazaretit – të përsosurit, atij që u sakrifikua për mëkatet tona, atij që mundi vdekjen,

Zotit të gjithësisë. Pranojeni atë sot si Zotin tuaj! Thirrreni emrin e tij tani dhe pranojeni si Zotin tuaj dhe përçojuani edhe të tjerëve këtë lajm të gëzueshëm!



Ky mesazh i gëzueshëm i ripërtëritjes të së gjitha  
gjërave, është sjellë tek ju nga  
WGS Ministries PO Box 90047  
San Antonio, TX 78209  
U.S.A.

1.800.248.4687  
info@WGSministries.org

[www.WGSministries.org](http://www.WGSministries.org)

Shikoni “Të gjitha gjërat u bënë të reja” në  
[www.WGSministries.org/renewal-video/](http://www.WGSministries.org/renewal-video/)